



## Universitätsbibliothek Paderborn

**Theologia Moralis Universa, Complectens Omnia Morum  
Præcepta, Et Principia Decisionis Omnium Conscientiæ  
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus de Conscientia, de Legibus, de Peccatis, de Virtutibus  
Theologicis, de Religione, & Beneficiis. Adjunctis in hac editione  
Propositionibus ad hanc usque proscriptis

**Antoine, Paul-Gabriel**

**Ingolstadii, 1734**

**VD18 90392140**

Art. I. De Præcepto Charitatis erga Deum.

**urn:nbn:de:hbz:466:1-40986**

## CAPUT II.

*De Præcepto Charitatis.*

### ARTICULUS PRIMUS.

*De Præcepto Charitatis erga Deum.*

Q. 1. **A**N extat præceptum Charitatis erga Deum, & ad quid obligat?

Resp. I. Extat præceptum amoris Dei speciale, & ab aliis omnibus distinctum. Constat 1. ex Mat. 22. *Diliges Dominum Deum tuum ex toto corde tuo, & in tota anima tua, & in tota mente tua. Hoc est maximum, & primum mandatum.* At mandatum, quod est primum, & maximum, est sanè præceptum speciale, & ab aliis distinctum. Et quidem primò, & per se maximè datum, ita ut cætora omnia præcepta eo fine dentur, ut hoc ex omni parte perfectè observetur, juxta illud. 1. Ad Tim. 1. Finis præcepti Charitas.

2. Ex Ss. Patribus. Pro omnibus sit S. Aug. qui lib. 1. Conf. c. 5. ait: *Quid tibi sum ipse, ut amari te jubcas à me; & nisi faciam irascaris mihi, & mineris ingentes miseras? parvane ipsa est, si non amem te?*

3. Ex

3. Ex propos. damnata ab Alexandro VIII. damnata ut Hæretica: *Sufficit, ut actus moralis tendat in finem ultimum interpretative: hunc homo non tenetur amare neque in principio, neque in decursu uitæ suæ mortalis.* Quæ propositio fuerat jam ante à S. Facultate Mussipontana speciali Decreto damnata.

4. Quia cùm Deus sit objectum summe amabile propter se, & finis ultimus rerum omnium, non potuit sapienter non præcipere creaturæ amoris capaci, & liberæ, ut seipsum supra omnia propter se amet. Præterea, (ut ait S. Thom.) id quod est finis, per se debitum est, cùm habeat rationem boni per se. At Charitas Dei ist finis omnium præceptorum, cùm Deum tanquam finem attingat immediate, & modo perfectissimo, nempe supra omnia propter se ipsum, & ut in se est: ergo est per se maximè debita.

*Res p. II.* Hoc præceptum, prout est affirmativum obligat. 1. Ad eliciendum certis temporibus actum internum supernaturalem amoris Dei supra omnia propter se; ut constat ex illis verbis, *Diliges ex toto corde, in sensu proprio significantibus internum dilectionis affectum, qui (ut exponunt Patres, & Doctores) sit amor benevolentiae efficax, & appretiativè summus, vi cuius homo Deo, utpote summe amabili, ac bono, adhæreat supra omnia pro-*

## DE VIRTUTIBUS THEOLOGICIS. 401

propter se, ipsi omnia bona velit, & faciat ea, quæ Deus ab illo saltem graviter, exigit, se suamque beatitudinem, & cætera omnia ad Dei gloriam referat, malitque privari omni bono creato, & pati omnem malum, quam Deum offendere saltem graviter.

Itaque amor, qui primo, & maximo mandato præcipitur, debet esse 1. Internus, verus, ac propriè dictus, ut patet ex his verbis præcepti, *diliges ex toto corde.*

2. Debet esse appretiativè summus in adhæsione, ita ut Deum plus amemus, quam nos ipsos, & creaturas omnes, malimusque privari omni bono creato, & pati quodvis malum, quam Deum offendere saltem graviter. Constat tum ex Patrum, ac Theologorum, & totius Ecclesiæ consensu, tum ex his verbis præcepti, *ex toto corde, & in tota anima tua, & in tota mente tua.* tum ex Matth. 10. *Qui, amat Patrem aut Matrem plusquam me, non est me dignus. Et qui amat filium, aut filiam super me, non est me dignus.* Et ex ad Rom. 8. *Quis nos separabit à caritate Christi?* Tribulatio? an angustia? an famæ? an nuditas? an periculum? an persecutio? an gladius? ... Certus sum: quia neque mors, neque vita, neque Angeli, neque virtutes, neque instantia, neque futura, neque fortitudo, neque altitudo, neque profundum, neque Creatura alia poterit nos

Tom. I.

Cc

se-

*separare à caritate Dei.* Tum quia hunc amorem exigit summa, ac infinita excellētia bonitatis divinæ. Enī verò cūm Deus sit per suam essentiam infinitè bonus, & perfectus in omni genere excellentiæ, atque finis ultimus rerum omnium, ideōque infinitis titulis magis diligendus, quām quodlibet aliud bonum; nulla Creatura potest ei affectu, & adhæsione præferri, aut sequari, sine gravi ejus injuria, ac contemptu. Præterea amor, qui à Deo præcipitur, debet esse proportionatus Deo summè bono, & amabili: at talis non esset, si Deus non plus amaretur, quām quilibet creatura, quæ præ Deo nihil est. Igitur cūm amabilitas sit mensura amoris, utpote ejus motivum, summa amabilitas exigit amorem summum appretiativè.

3. Amor Dei præceptus debet esse efficax, & universalis in suis effectibus, hoc est, debet ita voluntatem afficere, ac dispone-re, ut semper sit parata ad servanda omnia præcepta, & vitandum omne peccatum, saltem mortale. Unde amor ille Dei con-tinet propositum saltem virtuale efficax servandi omnia alia præcepta: nam amor ille non est solum complacentia de divinis perfectionibus, sed est etiam amor, seu affe-ctus voluntatis efficax efficaciter movens ad facienda ea, quæ Deo placent, & ipse exigit saltem graviter, & ad vitanda ea, quæ ei displacent: amor enim, qui præcipitur, est

est amor *ex toto corde, & ex tota anima,*  
*& ex tota fortitudine*, ut habetur Deut.  
 6. qui sanè amor est efficacissimus. Amare  
 autem efficaciter est bonum velle: & facere  
 amato, nec eum offendere saltem graviter.  
 Deinde amor non potest esse appretiativè  
 summus, nisi Deus, & ejus amicitia præfe-  
 ratur omni bono creato ; ita ut malimus  
 omne bonum creatum amittere, & quod-  
 vis malum pati, quam Deum offendere  
 graviter, & ejus amicitiam amittere, ideò  
 que efficaciter parati simus ad nullum præ-  
 ceptum saltem in re gravi, unquam vio-  
 landum. Quare præceptum charitatis ob-  
 ligat ad Dei amorem tum affectivum, tum  
 effectivum, & ad servanda omnia alia præ-  
 cepta, ut constat ex Joan. 4. Si diligitis  
 me, mandata mea scruate... qui habet  
 mandata mea, & servat ea, ille est, qui di-  
 ligit me. Et 1. Joan. 5. Hæc est charitas  
 Dei, ut mandata ejus custodiamus. Hinc  
 transgressiones aliorum præceptorum sunt  
 etiam communi ratione contra charita-  
 tem, ejusque habitum destruunt, si sint in  
 re gravi.

4. Amor charitatis erga Deum debet  
 esse purus in suo motivo; nam ejus moti-  
 vum est Deus ipse absolute, ac in se specta-  
 tus, seu Deus ut est in se infinitè bonus, ac  
 perfectus, sive est ipsa Dei amabilitas infi-  
 nita, & bonitas absoluta, ita ut Deus super  
 omnia ametur propter seipsum, seu quia in

se bonus, ac perfectus est. Ita Theologi communiter. Prob. I. ex S. August. qui lib. I. de Doctr. Christ. cap. 27. ait Deum diligendum esse propter seipsum. & lib. 8. de Trinit. cap. 8. *Ex una, eadémque Charitate Deum, proximúmque diligimus, sed Deum propter Deum.* & in Psal 53. Deus noster laudetur voluntate, ametur Charitate; gratuitum sit quod amatur, & quod laudatur. Quid est gratuitum? ipse propter se, non propter aliud... ex S. Bern. lib. de Diligendo Deo ubi ait: *Causa diligendi Deum Deus est, modus sine modo diligere... non sine premio diligitur Deus, et si absque premii intuitu diligendus sit. Vacua semper vera Charitas esse non potest, nec tamen mercenaria est... verus amor premium non requirit, sed meretur.* Et Epist. II. est qui confitetur Domino, quoniam potens est, & timet sibi, & est, qui confitetur, quoniam sibi bonus est: & item qui confitetur, quoniam simpliciter bonus est. Primus servus est, & timet sibi; secundus mercenarius est, & cupit sibi: tertius filius, & defert Patri. Itaque & qui timet, & qui cupit, uterque pro se agunt. Sola, qua in filio est, Charitas, non querit, qua sua sunt. Et ex S. Thom. 2. 2. q. 17. a. 8. & q. 23. a. 5. ad 2. ubi ait: *Charitate diligitur Deus propter seipsum.* Unde una sola ratio diligendi attenditur principaliter à Charitate, scilicet divina boni-

bonitas, que est ejus substantia. Et a. 6. Fides, Spes attingunt quidem Deum, secundum quod ex ipso provenit nobis vel cognitio veri, vel adeptio boni: sed Charitas attingit ipsum Deum, ut in ipso sit, non ut ex eo aliquid nobis proveniat. 2. Ex ipsa Ecclesiæ Doctrina tradita in Catechismis, in quibus Charitas definitur Virtus, per quam amamus Deum supra omnia, & proximum sicut nos ipsos propter Deum: Ergo Charitatis motivum est Deus simpliciter, ideoque absolute, & in se consideratus. 3. Quia Charitas est amor benevolentiae, & amicitiae erga Deum. At per amorem amicitiae amamus alterum propter ipsum, & volumus ei bonum, ut ejus bonum est, propter propriam ejus perfectionem. Et verò quis putet se ab alio amari ut amicum, si sciret se solùm ab eo amari, quia ei bonus, ac benignus est? Præterea Charitas, cùm sit virtutum omnium præstantissima, debet habere motivum omnium præstantissimum, ideoque Deum ipsum, prout est in se. Evidem debemus etiam amare Deum ut nostrum summum bonum, quod nos perfectè beare potest; sed hic amor non est amor Charitatis, sed Spei, & concupiscentiae.

Verum tenemur insuper Deum supra omnia amare propter se, seu quia est in se infinitè bonus, ac perfectus, atque nos ipsos, & beatitudinem nostram referre ad ejus

gloriam; & hic est proprius actus Charitatis: *Est enim Charitas amicitia honesta, qua amicus amatur propter se*, ait Toletus. & ita docet S. Thom. 2. 2. q. 17. a. 8. & q. 23. a. 1. post S. August. lib. 1. de Doctr. Christ. cap. 27. Quare Filiuccius ex aliis docet, esse mortale diligere Deum principaliter propter beatitudinem, ita, ut si haec deesset, Deus non diligeretur supra omnia. Licitum est tamen, ac bonum diligere Deum propter mercedem æternam tanquam finem minus principalem.

*Resp.* III. Hoc præceptum, prout est negativum, prohibet pro quolibet tempore omnem generaliter Dei offenditam, ita ut omnia peccata mortalia sint contra Charitatem, ejusque habitum destruant; nam per quodlibet peccatum mortale Creatura præfertur, vel æquatur Deo super omnia diligendo: specialius tamen, & magis directè vetat odium Dei.

*Q. 2. An tenemur etiam amare Deum super omnia intensius, seu cum maiore intensione, vehementia, & cunctu, quam omnes creaturas?*

*Resp.* Communiter negant Theologi: quia intensio est Charitatis perfectio solum accidentalis, & sine majori illa intensione servatur præceptum de ordine Charita-

ritatis, eo modo, qui satis sit, ut Charitas erga Deum sit re, & opere efficacior, quam amor cuiuslibet objecti. Quod autem præcipuum est in Charitate, cist ut sit efficax erga Deum, qui affectu, & opere propter se præferatur omnibus creaturis. Deinde cum Deus amatur appretiatione summa, amatur modo actum amoris constitutive in gradu excellentiæ, ad quem nullus pertingere potest amor erga creaturam ordinatus, etiamsi infinita intensione ameretur: & sic tunc Deus amatur modo proportionato suæ excellentiæ, ideoque modo sufficiente ad impletionem præcepti.

Præceptum autem diligendi Deum ex toto corde intelligunt de totalitate appretiationis, non intensionis. Appretiatio verò consistit non in vehementia, & conatu affectus, sed in libera præelectione, & prælatione. Certè quando affectus erga creaturam actu obsistit amori Dei appretiative summo; tunc opus est maximo conatu voluntatis, ut Deus supra omnia ametur.

*Q. 3. Quandonam præceptum Charitatis obligat ad amandum Deum?*

*Resp.* Sub mortali obligat per se ad eliciendum actum internum amoris Dei supra omnia propter se. I. Ubi primùm, moraliter loquendo, quis rationis usum adep-

Cc 4 tus

tus est, & habet sufficientem Dei notitiam, quam quidem tunc quisque sibi comparare tenetur. *Ita S. Thom. I. 2. q. 89. a. 6. Toletus, Layman, & alii multi.* Nam recta ratio dictat, Creaturam rationalem, ubi primum moraliter loquendo capax est cognitionis, & amoris Dei, eum debere amare ut rerum omnium finem ultimum, propter quem facta sunt omnia, & ad quem proinde omnes se, suaque omnia, ac totum vitæ cursum referre debent, & consequenter Deum super omnia propter se amet, impletique primum, & maximum mandatum. Unde Cajet. & Navar. dicunt teneri omnes hoc omissionis peccatum confiteri in dubio, ant tunc actum Charitatis elicuerint, nec ne.

2. In quovis probabili periculo mortis, quamvis Sacraenta suscepta sint. *Ita communiter.* Tum quia hic saepius ratione sui præceptus est, & tempus maximè necessarium est articulus mortis. Tum quia homo instantे termino viæ tenetur perfectè tendere in finem suum ultimum, *Sive enim vivimus, Domino vivimus: si-  
ve morimur, Domino morimur.* ad Rom. 14.

3. Quando est periculum labendi in mortale, nisi actus amoris eliciatur, & ingruit gravis tentatio, quæ non putetur posse aliter superari: nam ex Charitate Dei tenemur ejus offensam vitare, & media ad hoc necessaria adhibere.

4. Sæpiissime in decursu vitæ , ut satis patet tum ex natura Charitatis, quæ est finis omnium præceptorum, & actionum ; & quæ (ut ait S. August. in Psal. 121.) vacare non potest in anima amantis : nam Charitas est amicitia quædam cum Deo : amicitiæ autem Divinæ ratio, Deique bonitas infinita exigit , ne diutiùs amorem erga Deum diffaramus, & raro eliciamus ; sed ut, quæm primùm possumus , & sæpiissime in vitæ curriculo Deum amemus. Tum ex verbis præcepto additis , quibus Deus jubet illud ferè semper habere in mente , videlicet ut actus amoris sæpiissimè eliciatur. Deut. 6. Diliges Dominum Deum ex toto corde tuo, & ex tota anima tua, & ex tota fortitudine tua. Eruntque verba has , quæ ego præcipio tibi hodie, in corde tuo: & narrabis ea filiis tuis, & mediterabis in eis , sedens in domo tua , & ambulans in itinere , dormiens atque consurgens. Et ligabis ea quasi signum in manu tua, eruntque, & movebuntur inter oculos tuos, scribésque ea in limine, & ostis domus tuae. Et verò nullus est habens jus exigendi ab alio amorem , qui petat , ut semel tantum auctorat̄ ametur , sed is exigit , potius ut sæpè affectu, effectuque ametur. Ergo à fortiori jure Deus amoris erga factum sæpius totâ nostrâ vitâ iteratum à nobis exigit. Præterea omissione amoris Dei per tempus notabile includit, quem-

Cc s                  dam

dam contemptum divinæ amicitiæ. Hinc ab Innoc. XI. damnatæ sunt propos. 6a. *Probabile est, ne singulis quidem rigorosè quinquenniis per se obligare præceptum Charitatis erga Deum.* 7a. Tunc solum obligat quando tenemur justificari, & non habemus aliam viam, quâ justificari possumus.

Quoties autem intra annum obliget per se, non potest facile determinari. Scotus putat, adultos obligari ad illum actum singulis diebus Dominicis, & Festis. Quam opinionem ait Cardenas noster non esse contemnendam : quia cum constet hunc actum frequenter in vita eliciendum esse, & tempus definiendum sit ex judicio prudenti, videtur prudens designatio temporis esse dies cultui divino dicatus : cultus enim optimus est actus Charitatis, ut docet S. August. Idem Cardenas afferit esse mortale, si intra mensem integrum omittatur. Suarez vero lib. de Orat. cap 30. docet, divina pracepta affirmativa, ut Charitatis, & similia, obligare, ut actus eorum non multo tempore differantur: in particulari autem judicare, quando sit nimia dilatio, vel quæ sit debita frequentia, prudenti arbitrio relictum videri ex natura rei.

Obligat vero ex Virtute Religionis, quando quis culpæ mortalis conscius, deficiente Confessario, tenetur celebrare, vel Sacramentum quodvis confidere, aut susci-

scipere. Nam tunc obligatur ad Actum Contritionis perfectæ , quæ includit Actum Charitatis. Requiritur etiam hic actus ad justificationem extra Sacramentum.

Ex dictis collige Parentes, & Parochos graviter teneri suos docere obligationem, & modum eliciendi actus Fidei , Spei & Charitatis : Confessarios verò teneri curare, ut poenitentes in mortis periculo hos actus eliciant.

*Nat.* Ex De Lugo. Praecepta Fidei , Spei , & Charitatis sunt in aliquo sensu supernatura , & in aliquo etiam sensu naturalia. Sunt supernatura tum ex parte objecti , tum ex parte suorum actuum: nam impleri nequeunt nisi per actus supernaturales , quatenus Deus elevavit hominem ad finem supernaturalem per tales actus supernaturales consequendum. Sunt verò naturalia ex parte obligationis, quia ex suppositione , quod Deus elevaverit hominem ad finem supernaturalem consequendum per actus supernaturales , eo ipso absque alio novo precepto, & ex natura rei obligatur homo ad eliciendos actus supernaturales necessarios ad finem illum obtinendum: nam ex obligatione diligendi Deum, & seipsum , obligatur ad comparandum finem illum adeò sublimem, ac perfectum , & consequenter ad adhibenda media necessaria ad talem finem. *Quare Lex*

TRACTATUS

412

Lex naturalis ad tales actus supernaturales obligat sub conditione elevationis: in statu autem naturæ puræ esset obligatio amandi Deum super omnia propter se actu naturali.

Q. 4. An ex precepto Charitatis tenemur omnes actiones nostras referre ad Deum?

Resp. Aff. Prob. 1. Ex S. August. lib. 1. de Doct. Christ. c. 22. ubi ait: *Hac Regula dilectionis divinitus constituta est: Diliges proximum sicut te ipsum; Deum verò ex toto corde, & extota anima, & extotamente, ut omnes cogitationes tuas, & omnem vitam, & omnem intellectum in illum conferas, à quo habes ea ipsa, quæ confers.* Cùm autem ait: toto corde, tota anima, tota mente, nullam vitam nostram partem reliquit, quæ vacare debeat. 2. Ex S. Th. 1. 2. q. 100. a. 10. ad 2. ibi. Sub precepto Charitatis continetur, ut diligatur Deus ex toto corde: ad quod pertinet, ut omnia referantur in Deum: & ideo preceptum Charitatis implere homo non potest, nisi etiam omnia referantur in Deum. 3. Quia ex precepto Charitatis tenemur amare Deum ut finem ultimum rerum omnium; & Deus non amat ut finis ultimus rerum omnium, nisi omnia in ipsum referantur.

Porrò

Porro omnes actiones nostras generaliter ad Deum ex affectu Charitatis referre tenemur tunc tantum, cum urget præceptum amandi Deum propter se ut finem ultimum rerum omnium; nam præceptum Charitatis non obligat ad referendum omnes actiones, & omnia in Deum, nisi obligando ad amandum Deum propter se ut finem ultimum rerum omnium. Quare non tenemur omnes omnino actiones singillatim elicere ex motivo seu affectu Charitatis; alioqui omnia opera infidelium, imo & fidelium in statu peccati manentium essent peccata; quod est error ab Ecclesia damnatus: item actus, quo quis detestatur peccatum præcisè ob metum poenarum, esset malus, quod repugnat tum Conc. Trident. sess. 6. Can. 8. & sess. 14. cap. 4. tum S. August. qui in Psalm. 127. ait: *Ille timor nondum castus presentiam Domini, & pœnas timet; timore facit, quidquid boni facit, non timore admittendi bonum illud, sed timore patiendi illud malum.* Non timet, ne perdat amplexus pulcherrimi sponsi, sed timet, ne mittatur in gehennam. Bonus est, & iste timor, utilis est. Præterea Alexander VIII. damnavit has propos. 10. Intentio, qua quis detestatur malum, & prosequitur bonum, merè ut cœlestem obtineat gloriam, non est recta, nec placens Deo. 11. Omne, quod non est ex fide Christiana superna-

turali, que per dilectionem operatur, pe-  
nitatum est. Denique actus elicit ex moti-  
vo aliarum virtutum sunt boni, ac liciti; a-  
lioqui non essent actus virtutis.

Tamen dum non referimus ex affectu  
Charitatis actiones nostras ad Deum, tunc  
remur eas ad ejus gloriam referre vir-  
tualiter, seu implicitè, & ex intentione, seu  
natura operis (ut ajunt) agendo scilicet ex  
motivo alicujus virtutis, & honestatis.  
Prob. 1. ex 1. ad Cor. 10. *Sive manduca-*  
*tis, sive bibitis, sive aliud quid facitis:*  
*omnia in gloriam Dei facite.* Id esse præ-  
cepti satis indicat verbum imperativum,  
*facite*, quod in sensu proprio sonat impe-  
rium, seu mandatum, dum materia id pati-  
tur; & docet S. Thom. in Epist. ad Coloss.  
cap. 3. ubi ait: *Quidam dicunt quod hoc*  
*est Consilium, sed hoc non est verum.* 2. Ex  
S. August. in Psal. 65. *Quo fine facias, vi-*  
*de.* Si ideo facis, ut tu glorificeris, hoc  
prohibui: si autem à Deo, ut Deus glori-  
ficetur, hoc jussi. & ex S. Basil. in Reg. in-  
terrogat. 195. ubi ait: *Omnia propter De-*  
*um ex Dei mandato facienda.* Idem do-  
cent alii Patres. 3. Quia debemus Deo  
omnes actiones nostras ex titulo Creato-  
ris, ac Redemptoris, & vi supremi ejus  
Dominii, ex quo omnes actus nostri magis  
debentur Deo, quam cuivis Domino tem-  
porali opera servi. Ergo omnes actus  
nostri debent ad Dei obsequium referri,

sal-

saltem ex natura operis. 4. Quia (ut alias probatum est, ) semper tenemur agere propter finem honestum, ideoque ex motivo alicujus virtutis. At omnis honestas, & actus virtutis ex natura sua refertur, & ordinatur ad Deum tanquam ad Regulam, fontem, ac finem omnis honestatis, & ex se tendit ad Dei gloriam, cum sit conformis ejus voluntati, eique placeat.

## ARTICULUS II.

### *De Præcepto Charitatis erga Proximum.*

Q. I. *AN datur præceptum diligendi proximum, & ad quid obligat?*

Resp. I. Extat præceptum speciale diligendi proximum non tantum actu externo, sed etiam interno, & amore benevolentiae, quo ei velimus bonum, quatenus ejus bonum est. Constat ex Matth. 22. Secundum autem (mandatum) simile est huic: *diliges proximum sicut te ipsum.* & ex Joan. 15. *Hoc est præceptum meum, ut diligatis invicem sicut dilexi vos.* Et 1. Joan. 4. *Hoc mandatum habemus à Deo, ut, qui diligit Deum, diligat & fratrem suum.* Dilectio autem est affectus voluntatis, quo volumus bonum personæ amar-